

**ՊԱՅՄԱՆԱԳԻՐ N ՀՀՀ-ՄԱԾՁԲ-22/121-Պ**

ք. Երևան

09-ը դեկտեմբերի 2022թ.

**«Հայաստանի հանրային հեռուստաընկերություն» փակ բաժնետիրական ընկերությունը** (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

**«Էսթիէմ Ֆեյշն» սահմանափակ պատասխանատվությամբ ընկերությունը** (այսուհետ՝ Կատարող), ի դեմս տնօրեն Քրիստինե Սահակյանի, ով գործում է ընկերության կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. ՊԱՅՄԱՆԱԳՐԻ ԱՈՐԿԱՆ ԵՎ ԿԱՏԱՐՄԱՆ ԺԱՄԿԵՏԸ**

- 1.1. Սույն Պայմանագրով Կատարողը պարտավորվում է Պատվիրատուի առաջադրանքով Կողմերի միջև համաձայնեցված էսքիզների հիման վրա բազմակի օգտագործման համար պիտանի կտորներից և այլ նյութերից կարել «Մանկական Եվրատեսիլ 2022» երգի միջազգային մրցույթում ՀՀ ներկայացուցիչ Նարե Դազարյանի և վերջինիս ելույթի շրջանակներում մասնակցություն ունեցող պարողների համար սույն Պայմանագրի Հավելված1-ով նախատեսված բնութագրի և քանակի բեմական հագուստները (այսուհետ՝ Հագուստներ) և հանձնել դրանք Պատվիրատուի սեփականությանը (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց համար սույն Պայմանագրով սահմանված կարգով, չափով և ժամկետում:
- 1.2. Սույն Պայմանագրով նախատեսված պայմանները կիրառվում են Կողմերի միջև մինչև Պայմանագրի ստորագրումը՝ 2022 թվականի նոյեմբերի 11-ից առաջացած հարաբերությունների նկատմամբ: Հագուստները հանձնվել են Պատվիրատուին մինչև 2022թ.-ի դեկտեմբերի 10-ը ներառյալ:
- 1.3. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1. Պարվիրատուն իրավունք ունի՝**

- 2.1.1. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
- 2.1.2. Ցանկացած ժամանակ ստուգել Կատարողի կողմից մատուցվող Ծառայությունների ընթացքը և որակը՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.1.3. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս,
- 2.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
- 2.1.5. Եթե հանձնվել են անպատշաճ որակի՝ Պայմանագրով նախատեսված բնութագրին չհամապատասխանող հագուստներ՝
  - i. պահանջել հատուցելու հագուստների անպատշաճ որակի լինելու պատճառով իր կրած ծախսերը,
  - ii. չընդունել հագուստները՝ իր հայեցողությամբ սահմանելով անպատշաճ որակի հագուստները Պայմանագրին համապատասխանող որակի Հագուստներով անհատույց փոխարինելու ողջամիտ

- ժամկետ և պահանջել Կատարողից վճարելու Պայմանագրի 6.2 կետով նախատեսված տուգանքը, ինչպես նաև՝ 6.3 կետով նախատեսված տույժը:
- 2.1.6. Եթե հանձնվել են Պայմանագրով որոշվածից պակաս քանակի Հագուստներ՝ պահանջել լրացնել Հագուստների պակաս հանձնված քանակը և վճարել Պայմանագրի 6.3 կետով նախատեսված տույժը,
- 2.1.7. Գրավոր տեղեկացմամբ միակողմանիորեն լուծել սույն Պայմանագիրը և Կատարողից պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարված ծախսերի և բաց թողնված օգուտի հատուցում, եթե՝
- i. Կատարողը խախտել է սույն Պայմանագրի Հավելված 1-ով Հագուստների համար սահմանված բնութագրերը և/կամ կարել է Կողմերի միջև համաձայնեցված էսքիզներից և/կամ չափսերից էականորեն տարբերվող և/կամ բազմակի օգտագործման համար ոչ պիտանի կտորներից և այլ նյութերից Հագուստներ և ողջամիտ ժամկետում իր հաշվին չի շտկել նշված թերությունները կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
  - ii. Կատարողը սույն Պայմանագրով սահմանված ժամկետում չի մատուցել Ծառայությունները կամ դրանց մի մասը,
  - iii. Կատարողն այլ կերպ թույլ է տվել սույն Պայմանագրի էական խախտում:
- 2.1.8. Մատուցված Ծառայությունների արդյունքներն ընդունելիս գննել Հագուստները և հայտնաբերված թերությունների մասին սույն Պայմանագրով սահմանված կարգով և ժամկետում տեղեկացնել Կատարողին,
- 2.1.9. Պահանջել Կատարողից ամբողջությամբ հատուցել Ծառայությունների մատուցման կապակցությամբ Պատվիրատուին պատճառված վնասը՝ ներառյալ բաց թողնված օգուտը:
- 2.2. Պատվիրատուն պարտավոր է՝**
- 2.2.1. Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, հանձնիս Պատվիրատուի ռեաբանական ստուդիայի կողողինատորի կոնտակտային անձով, ով իրավասու կլինի Կատարողի հետ համաձայնեցնել Հագուստների էսքիզները, չափսերը և այլն,
- 2.2.2. Սույն Պայմանագիրը միակողմանի լուծելու դեպքում ապահովել հանձնված Հագուստների պատասխանատու պահպանությունը և դրա մասին անհապաղ տեղեկացնել Կատարողին,
- 2.2.3. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքերում՝ այդ մասին սույն Պայմանագրով սահմանված կարգով և ժամկետում գրավոր հայտնել Կատարողին,
- 2.2.4. Վճարել Կատարողին պատշաճ մատուցված Ծառայությունների համար սույն Պայմանագրով սահմանված չափով, կարգով և ժամկետում:
- 2.3. Կատարողն իրավունք ունի՝**
- 2.3.1. Սույն Պայմանագրով սահմանված Ծառայությունների մատուցման նպատակով Պատվիրատուից պահանջել ապահովել սույն Պայմանագրի 2.2.1 կետով սահմանված պայմանները,
- 2.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 2.3.3. Պատվիրատուից պահանջել վճարել պատշաճ մատուցված Ծառայությունների համար սույն Պայմանագրով սահմանված չափով, կարգով և ժամկետում:
- 2.4. Կատարողը պարտավոր է՝**
- 2.4.1. Ծառայությունները մատուցել սույն Պայմանագրով սահմանված ժամկետում, ամբողջությամբ և պատշաճ որակով, ՀՀ օրենսդրությամբ սահմանված կիրառելի նորմերի, կանոնների և ստանդարտների պահանջներին համապատասխան,
- 2.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 2.4.3. Աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս,

- 2.4.4. Սույն Պայմանագրի 2.1.2 կետով սահմանված կարգով Պատվիրատուի համապատասխան պահանջը ստանալուց անհապաղ՝ առաջին իսկ հնարավորության դեպքում, Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.4.5. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 2.4.6. Պատվիրատուին հանձնել երրորդ անձանց իրավունքներից ազատ Հագուստներ,
- 2.4.7. Պայմանագրի կատարման ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

### **3. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ**

- 3.1. Սույն Պայմանագրով նախատեսված Ծառայությունների ընդհանուր արժեքը կազմում է 2 820 000 (երկու միլիոն ութ հարյուր քսան հազար) ՀՀ դրամ: Ծառայությունների ընդհանուր արժեքը ներառում է բոլոր կիրառելի հարկերը, ինչպես նաև Ծառայությունների մատուցման համար Կատարողի կողմից իրականացվելիք բոլոր ծախսերը, ներառյալ, բայց չսահմանափակվելով, կտորի, թելերի, այլ նյութերի ձեռքբերման ծախսերը և այլն:
- 3.2. Սույն Պայմանագրի 3.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ հանձնման-ընդունման ակտի և հաշիվ-վավերագրի երկկողմանի հաստատվելուց 5 (հինգ) օրերի ընթացքում:
- 3.3. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.4. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում Կատարողը:

### **4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՄԱՆ**

- 4.1. Ծառայությունների մատուցման ավարտից հետո 15 (տասնհինգ) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-վավերագիրը:
- 4.2. Հանձնման-ընդունման ակտը ներկայացնելու օրվանից 5 (հինգ) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը և առարկությունների բացակայության դեպքում հաստատում հանձնման-ընդունման ակտը և հաշիվ-վավերագիրը: Ընդ որում, սույն Պայմանագրի շրջանակներում հանձնման-ընդունման ակտի և հաշիվ-վավերագրի հաստատման օր է համարվում դրանց վրա Կողմերից վերջինի ստորագրության (առկայության դեպքում նաև կնիքի) օրը:
- 4.3. Այն դեպքում, երբ մատուցված Ծառայություններում հայտնաբերվում են թերություններ, Պատվիրատուն չի ստորագրում հանձնման-ընդունման ակտը և սույն Պայմանագրի 4.2 կետում նշված ժամկետում Կատարողին գրավոր ներկայացնում է հանձնման-ընդունման ակտը չհաստատելու հիմնավորում՝ նշելով մատուցված Ծառայություններում հայտնաբերված թերությունները և սահմանելով դրանց վերացման ողջամիտ ժամկետ կամ սույն Պայմանագրի 2.1.7 կետով սահմանված կարգով միակողմանի լուծում է Պայմանագիրը:
- 4.4. Այն դեպքում, եթե Պատվիրատուն սույն Պայմանագրի 4.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթիվով և Պատվիրատուն կրում է պարտավորություն տվյալ ժամկետին հաջորդող առաջին իսկ

## 5. ՀԱԳՈՒՍՏՆԵՐԻ ՈՐԱԿԸ

- 5.1. Կատարողը երաշխավորում է պատրաստված Հագուստների որակի համապատասխանությունը կիրառելի ստանդարտների, կանոնների պահանջներին և սույն Պայմանագրով սահմանված պայմաններին, ինչպես նաև կրում է սովորական օգտագործման համար պիտանիության ժամկետի ընթացքում Հագուստների որակի կորստի ռիսկը:

## 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 6.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 6.2. Ծառայությունները թերություններով մատուցելու յուրաքանչյուր դեպքում Պատվիրատուն իրավասու է Կատարողից գանձել տուգանք՝ Պայմանագրի ընդհանուր արժեքի 10 (տասը) տոկոսի չափով:
- 6.3. Կատարողի կողմից Ծառայությունների մատուցման ժամկետի խախտման դեպքում, Պատվիրատուն իրավունք ունի Կատարողից գանձելու տույժ՝ կետանցի յուրաքանչյուր օրվա համար սույն Պայմանագրի ընդհանուր արժեքի 0,1 (զրո ամբողջ մեկ տասնորդական) տոկոսի չափով: Ընդ որում, սույն կետով սահմանված տույժը հաշվարկվում է մատուցված Ծառայությունների արդյունքի հանձնման համար սույն Պայմանագրի 1.2 կետով նախատեսված ժամկետից մինչև Կողմերի կողմից սույն Պայմանագրով համաձայնեցված ծավալներով պատշաճ որակի Հագուստները Պատվիրատուին փաստացի հանձնելու օրն ընկած ժամանակահատվածի համար:
- 6.4. Սույն Պայմանագրի 6.2 և 6.3 կետերով նախատեսված տուգանքը և տույժը կարող են հաշվարկվել և հաշվանցվել Կատարողին վճարման ենթակա գումարից:
- 6.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձելու տույժ՝ կետանցի յուրաքանչյուր օրվա համար սույն Պայմանագրի ընդհանուր արժեքի 0,1 (զրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 6.6. Տուգանքի վճարումը Կողմերին չի ազատում սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 6.7. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

## 7. ՖՈՐՍ-ՄԱԺՈՐ

- 7.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 7.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

## 8. ԵԶՐԱՓՈՒԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև Կողմերի համար սույն Պայմանագրով նախատեսված պարտավորությունների ամբողջական և պատշաճ կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:

- 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.4. Սույն Պայմանագրի պատշաճ կատարման պայմաններում Կողմերի (Պատվիրատու կամ Կատարող) օգուտները (խնայողությունները) կամ կրած վնասները՝ տվյալ Կողմի օգուտը կամ կրած վնասն են:
- 8.5. Սույն Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ սույն Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են սույն Պայմանագրի կարգավորման դաշտից և չեն կարող ազդել սույն Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:
- 8.6. Սույն Պայմանագրի Հավելված 1-ը հանդիսանում է Պայմանագրի անբաժանելի մասը:
- 8.7. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.8. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 8.9. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ:
- 8.10. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.11. Սույն Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով կամ Կողմերի համաձայնությամբ նախատեսված այլ եղանակներով:
- 8.12. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.13. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.14. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

**ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

**Պատվիրատու**

**«Հայաստանի հանրային հեռուստաընկերություն» ՓԲԸ**

Հասցե՝ ՀՀ, ք. Երևան, Գ. Հովսեփյան 26  
 ՀՎՀՀ՝ 01540062  
 «Ինտերբանկ» ՓԲԸ  
 Հ/Հ՝ 2050022082671001

**Հ. Մովսիսյան**  
 Գործադիր տնօրեն




**Կատարող**

**«Էսթիկմ Ֆեյշն» ՍՊԸ**

Հասցե՝ ՀՀ, ք. Երևան, Մաշտոցի 27, բն. 14  
 ՀՎՀՀ՝ 02675755  
 «Ամերիաբանկ» ՓԲԸ  
 Հ/Հ՝ 1570032818450100

**Ք. Սահակյան**  
 Տնօրեն




Հավելված 1  
2022թ.-ի դեկտեմբերի 09-ին կնքված  
N ՀՀՀ-ՄԱԾՁԲ-22/121-Պ պայմանագրի

**ՊԱՏՐԱՍՏՎՈՂ ՀԱԳՈՒՍՏՆԵՐԻ ԲՆՈՒԹԱԳԻՐԸ**

Անվանում	Տեխնիկական բնութագիր	Միավորի արժեք/ՀՀ դրամ	Ընդհանուր գին/ՀՀ դրամ	Ընդհանուր քանակ
Բեմական հագուստի կարի ծառայություններ	կարմիր կոեպից հուդի՝ կապույտ -սպիտակ զոլերով	40000	200000	5
	կարմիր կոեպից տաբատ՝ կապույտ -սպիտակ զոլերով	35000	175000	5
	կապույտ սպորտային տաբատ՝ կապույտ- սպիտակ զոլերով	30000	150000	5
	կապույտ սպորտային վերնաշապիկ՝ կապույտ-սպիտակ զոլերով	30000	150000	5
	բամբակյա շապիկ	7500	75000	10
	երկնագույն շորտ	40000	40000	1
	երկնագույն վերնաշապիկ	40000	40000	1
	սպիտակ բամբակյա տոպ	25000	50000	2
	ջինսե բաճկոն	40000	40000	1
	ջինսե տաբատ	40000	40000	1
	բանդա երեք երանգի	5000	15000	3
	մորթյա վերարկու զարդարված ձեռագործ արջերով	115000	230000	2
	մորթյա տաբատ	50000	100000	2
	մորթյա հուդիներ զարդարված ձեռագործ արջերով	125000	250000	2

մորթյա ձեռնոցներ	6000	30000	5
կարմիր զգեստ	160000	160000	1
փայլվուն պիջակ	65000	130000	2
փայլվուն տաբատ	60000	120000	2
սպիտակ վերնաշապիկներ	30000	60000	2
փայլվուն զգեստ կարճ	75000	150000	2
փիրուզագույն բաճկոնակ	105000	210000	2
կոմբինիզոն՝ զարդարված ձեռագործ քարերով	205000	205000	1
բաճկոն՝ զարդարված ձեռագործ քարերով	80000	80000	1
տաբատ	65000	65000	1
գոտի կորսետային՝ զարդարված քարիկներով	55000	55000	1
Ընդամենը՝		2820000 ՀՀ դրամ (ներառյալ հարկերը)	

**ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**  
**Պատվիրատու** **Կատարող**

**«Հայաստանի հանրային հեռուստառնկերություն» ՓԲԸ**

**«Էսթիլմ ֆեյշն» ՍՊԸ**

Հասցե՝ ՀՀ, ք. Երևան, Գ. Հովսեփյան 26  
 ՀՎՀՀ՝ 01540062  
 «Ինտերբանկ» ՓԲԸ  
 Հ/Հ՝ 2050022082671001

Հասցե՝ ՀՀ, ք. Երևան, Մաշտոցի 27, բն. 14  
 ՀՎՀՀ՝ 02675755  
 «Ամերիաբանկ» ՓԲԸ  
 Հ/Հ՝ 1570032818450100

**Հ. Մովսիսյան**  
 Գործադիր տնօրեն

**Ք. Սահակյան**  
 Տնօրեն



